

۱۰ شریں ثانی
۱۳۴۰

تورک تاریخ انجمنی مجموعی

اون دردیجی سنه
نومر ۶ (۱۳)



آنطاليه كتابه لرينه دأر

مجموعه مزك ايكنجى نسخه سنده مندرج « فاح زماننده تكة ايلي » عنوانلى مقاله نك ٦٧ نجى صحيفه سنده مندرج محمد بك دورينه عأند كتابه ، اوليا جليدين آنمش ايسهده ، اوليا چلبى مذكور كتابه يي دوغرو قيد ائمه مشدر .
آنطاليهده قاعه ائچنده كآن بيولى ياخود علاء الدين جامى قپوسنده كى كتابه ، شو وجهله يدي سطرده محكو كدر .

- (١) بسم الله الرحمن الرحيم
 - (٢) بعد فضل الله تعالى وجميل الطافه لما حصل حصل الله
 - (٣) تبارك وتعالى بعناية العاليه فتح مدينة انطاليه بنى وجددهذ
 - (٤) الجامع المبارك شكراً لموهبه الملك الوهاب الاميرالكبير
 - (٥) سلطان السواحل مبارز الدوله والدين محمد بن محمود بن
 - (٦) يونس خلد الله ملكه الحادى والعشرين من ذى القعده
 - (٧) لسنة اربع وسبعين وسبعماة ومعماره بلبان الطواشى
- جامع صوكره دن تعمير كورمش اولغله طرز قديمى بوزولمشدر .

مناره سى دها اسكيدر . سلچوقى دورينه عأندر . مناره نك قاعده سى مربع الشكل بيوجك براوطه كيدر . بونك فوقى اسطوانى قالين ، بورمه لى اولديغندن بيولى دنيلمكدهدر . چينيلرله مزين ايسهده مرورزمان ايله چوغى دوشمشدر . مناره نك شرق جبهه سنده مرمر اوزرينه اوچ سطرده شو كتابه محكو كدر :

- (١) رسم بهذه العمارة المباركة اليمونه
 - (٢) السلطان المعظم علاء الدنيا والدين سلطان البر
 - (٣) والبحرين كيقباد بن السلطان الشهيد كىخمسرو
- سليان فكرى افدينك انطاليه سى لواسى تاريخنده بو كتابه موجود ايسهده سطرلى كوسترله مشدر . برده برنجى سطرده كى اليمونه اليمنه اوقونمشدر .

زنجير قيران تربهسى

انطاليهده قلعه ايچنده مولويخانه اتصالنده كي باغچه ايچنده اولدجه كوزل بر اثر معمارى وخلق اره سنده « زنجير قيران تربهسى » دنيلن سكر كوشه لى يونتمه طاشلردن ياپلش سقنى اهرام ناقص بر بنا بولمقده در. بوتربه يى يوقاريدى اسمى كچن محمد بك اوغلى على بك ايچون ياپديرمش و احتمال قوى به كوره كندى ده بالآخره بورايه دفن اولمشدر. تربه نك قپوسنده مرمر طاشه محكوك ايكي سطرلق كتابه در :

(۱) كل شى هالك الا وجهه . امر بانشا هذه القبة الشريفة الامير

الكبير مرهبى العلما والفقرا مبارزالدوله والدنيا والدين

(۲) محمد بن محمود بن يونس خلد ملكه و بريته اشرق المرحوم المصوم

امير زاده على نورالله ضريحه فى اواخر شعبان سنه تسع سبعين وسبعمائته

تربه نك ايچنده كي قبرلرده طاش يوقدر . تحتنه صندوقلر اوزرنده ده اسم يوقدر . تربه نك يدى نجره سى واردر . نجره لرك كمرلى اوزرنده آيات واحديث شريفه محرردر. انجق اوچ نجره اوزرنده يازيلر قالمشدر . درت نجره نك يازيلى طاشلرى دوشمشدر .

انطاليه ليمانى [۱] خيلى دريتدر. يلكنلى سفائى دشمنك وقورصانلرك تعرضندن محافظه ايچون دكزك ايچنه ديوارچكيلمش وقپو مقامنده اولان برينك ايكي طرفنده برر مدور برج ياپلشدر . بورجرلردن برينك وديوارك بقيه سى اليوم مشهوددر . بونلردن ماعداليمانده برزنجير كهريلى ايمش . محمد بكة زنجير قيران ديتلمسى آنطاليه يى فتحنده بو زنجيرى قيرمش اولمشندن نشأت ايتش اولسه كر كدر .

استطراد قيبلىندن اوله رق انطاليه يى محاصره ايدن قره مان اوغلى محمد بكي ۸۲۹ سنه سنده اولديرن مرمركله انطاليه موزه سنده « ۳۲ » نومروده مقيد اولديغنى عرض ايدر .

[۱] ابن بطوطه مترجم فاضلى « ميناء » نك ليمان مناسبه اولديغنى بولامامش واجنبى خرسببان تجارك ليمانده ساكن اولدقلىنى بيان ايچون « تجار نضارى (ميناء) ناميله معروف محله ساكن اولور » عباره سنى استعمال ايتشدر .

سلطان قورقودك والدہسی تربہسی

زنجیر قیران تربہسنہ متصلدرہ فقط قپوسی مولویخانہ نك خارجندہ درہ مرمردن
اولان قبرطاشنك باش اوجندہ :

هذا قبر المرحومة المغفورة
نكار خاتون بنت عبد الله وهي
والدة السلطان قرقود بن بايزيد خان

ایاق طاشندہ :

وقد انتقلت الى رحمة الله
في شهر رمضان المبارك
من سنة ثمانية وتسعمائة

انطالیه لواسی تاریخنده بوکتابه موجوددر . انجق قرقود املای مشهوری
اولان قورقود شکنده ضبط ایدلشدر .

بوردورده سلطان قورقود نامنه بر کتابه

آلتی ساعت طولی وعرضی اولان نامیلہ موسوم کولہ یارم ساعت مسافده
شیرین برقبہدرہ کولک صوی آرسنیقلی اولدیغندن بالق وسائرہ بولونماز . بوردوره
بالق عربہلرله اکردور کولندن کلور . مستمد عمران ایسده حرکت ارض ویانقینلر
ترقیسنہ مانع اولشدر . سنده یوزاللی بیک آرشون آلاجه دوقویان درت یوزاللی
وسنده سکز بیک آرشون بز دوقویان یوز دستکاهی واردر . بونلردن ماعدا
اوج عدد خالی فابریقہسی موجوددر . ۱۳۳۰ سنہ سنده وقوعه کلن حرکت ارض
مبانی قدیمہی خراب ایشدر . خیلی علماسی ودرت کتبخانہسی واردر : (۱)

صدر اعظم خلیل حمید پاشا کتب خانہ سی (۲) صدر اعظم درویش محمد پاشا کتب خانہ سی
 (۳) کوچک شیخ کتب خانہ سی (۴) سادن زادہ حاجی اسماعیل آغا کتب خانہ سی .
 بوردوردہ الہاسکی کتابہ حاجی ابراہیم محلہ سندہ « چشمہ دامی پیکاری » ندہ در:
 (۱) عمر ہذا البنا علی بن حمزہ الطیب لسلطان قورقود خان

(۲) عز نصرہ غفر اللہ لوالدیہ غرۃ شہر رمضان المبارک سنہ تسع وتسع ما [تہ]

خلاف اصول اولہرق بو کتابہ دہ سلطان قورقودہ «خان» عنوانی دہ ویرلشدر .
 بوردوردہ دیگر اسکی بر چشمہ سی دہ اوزون چارشودہ دمیرچی آراستہ سندہ در .
 کتابہ سی ایکی سطر دہ شویلہ در :

(۱) بندۂ شہ سلیم خان بالی باخصال خوش

(۲) بردنیا چون آب تاریخ شد زلال خوش

۹۷۴

انطالیہ دہ کتابہ سی اولمایان بر بالی بک جامعی واردر . احتمال کہ چشمہ صاحبی
 اولان بالی بککدر .

احمد نوید